

**Oqaluuserisassanut nassuiaat.**

(Inatsisartut Siulittaasuut)

2024-mi upernaakkut ataatsimiinnermut oqaluuserisassat ulloq 8. marts tamanut saqqummiunneqarput.

Tamatuma kingorna allannguutit ingerlaavartumik nalunaarutigineqartarsimapput oqaluuserisassallu nutarterneqartarlutik.

Inatsisartunut ilaasortat, Naalakkersuisut partiilluunniit oqaluuserisassat allanngortinneqarnissaannik oqaaseqarfiginissaannilluunniit kissaateqarunik, Inatsisartut ataatsimiinnissaat kingusinnerpaamik sapaatit akunneranik ataatsimik sioqqullugu, siulittaasoqarfimmut saaffiginninnissaannik qinnuigineqarsimapput.

Kiisalu oqaatigineqassaaq Inatsisartunut ilaasortat ataasiakkaat ilaasortat siunnersuutaasa saqqummiunneqartut kalaallisut qallunaatullu oqaasertalersorneqarnermikkut eqqortuunissaat namminneq akisussaaffigimmassuk. Oqaasertaliisimanikkut erseqqissaasoqarnissaa kissaatigineqarpat, iluarsiiisutit siunnersuutip UPA2024-mi oqaluuserineqarnissaa sioqqulluarlugu Allattoqarfimmut nassiateqquneqarput.

Oqaluuserisassani immikkoortoq 5, Siunnersuisoqatigiinnut aalajangiisartutullu ataatsimiititalianut ilaasortassanik sinniisussaannillu qinersineq, ullumi ataatsimiinnermi oqaluuserisassanut ilanngunneqarsimagaluartoq kinguartinneqartariaqarpoq Inatsisinut Ataatsimiititaliap inassuteqarnissaa utaqqineqarmat. Qaqugu suliarineqarnissaa kingusinnerusukkut nalunaarutigineqarumaarpoq.

Suleriaatsitsinni § 4, imm. 1 naapertorlugu oqaluuserisassanut nassuiaat isumaqatigiinniutigineqarneq ajorpoq, taamaattumillu oqaluuserisassat pillugit naammagittaalliutit siulittaasoqarfimmut allakkatigut saaffiginnissutigineqartassallutik.

Tamatuma kingorna oqaluuserisassat akuerineqartutut isigineqarput.

**Taasisarnerit pillugit uku akornanni isumaqatigiissuteqartoqarpoq:**

Jens Kristian Therkelsen, Siumut aamma Hans Enoksen, Naleraq